



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

17. De sequestratione possessionum & fructuum

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

venditor solus, non verò emptor scivit rem litigiosam (quod in dubio præsumitur. *L. 21. ff. probat.*) emptor quidem reddit rem venditori venditor autem pretium, & tantundem de se debet expendere, ex quo tertia pars cedit emptori ob dolum, quo eum circumvenit, non maxime stando vitium litigiosi; reliquæ duæ partes appandæ sunt fisco. *L. fin. C. de Litigios.*

TITULUS XVII.

De sequestratione possessionum & fructuum.

Q. 1. *Quid sit sequestrum, quotuplex &c.* Res sequestrum sive sequestratio est rei litigiosæ, possessionis, aut fructuum ejus ex manus seu potestate litigantium subductio, & in manus tertii (qui propterea *sequester* dicitur) depositio, facta vel consensu partium vel auctoritate judicis. *L. 17. ff. depositi.*

Resp. 2. Differt multimodè sequestrum à deposito, ut videre est in *L. 6. & 17. ff. depositi. L. 1. 44. ff. eod. §. 3. Inst. quib. mod. re contrah. oblig. & arresto*, cum arrestum ne quidem species sit depositi aut alterius contractus, sed impeditur ut ac interdictum, ne res vel persona loco aut fructu suo moveatur; fitque etiam rei non litigiosæ commissione in possessionem ex primo decreto, cum fiat in unum collitigantium, sequestratio in tertium.

Resp.

Resp. 3. Alia est sequestratio *voluntaria*, quæ *conventionalis* dicitur, & fit mutuo consensu litigantium; & hæc regulariter licet, quia quilibet est rerum suarum arbiter. *L. 21. C. mandat.* Alia *necessaria* seu *judicialis*, quæ fit utraque litigantium parte vel alterutrâ invitâ, auctoritate judicis; & hæc *ordinariè* est prohibita. *L. un. C. de prob. sequestr. c. 1. h. t.* Ratio, quia iudicium ab executione incipere non oportet. &c.

Q. 2. Quis & qualis esse debeat aut possit sequester? Resp. 1. Quicumque sequester esse potest, qui fidelem ac diligentem curam habiturus existimatur: unus aut plures. *Wiestn h. t. n. 4.* etiam ipse Judex potest esse sequester rei, de qua coram ipso litigatur. *arg. L. 11. §. 2. ff. de recept qui arb. L. 7. §. fin. ff. qui satisd. cog.*

Resp. 2. Beneficii Ecclesiastici sequester Clericus necessariò esse debet, quin & æquum est juxta *Pirh.* ut habeat Ordinem, quem beneficium requirit.

Resp. 3. Ordinariè nemo ad officium sequestri cogi potest. *L. 7. ff. deposit.* Ratio, quia sequester obligatur ex contractu, vel quasi contractu. *L. 9. §. 3. ff. de dol. mal.* invitus autem nemo tenetur contrahere vel quasi, ergo.

Q. 3. Quibus casibus permessa sequestratio? Resp. In seqq. 1. dum timor est dilapidationis, vel interitus rei, quæ petitur sequestrari. *L. 21. §. fin. ff. de appell.* ratio, ne iudicium reddatur elusorium; potest tamen sequestratio impediri præ-

stita cautione idonea. 2. In re dotali, dum maritus vergit ad inopiam. *c. 7. de donat. inter vir. & uxorem.* 3. Dum petitur res mobilis, & possessor illius non habens immobilia, suspectus est de fuga unà cum re litigiosa. *L. 7. §. si satisfatum, qui satisf. cog.* 4. Si periculum est, ne deveniatur ad arma, jure incerto existente, arg. *L. 1. §. 3. ff. de usufr.* 5. Si periculum est in mora. Siquis obligatus est ad aliquid præstandum, illud que non præstat, quod etiam in beneficiis obtinet, si v. g. Canonicus non resideat, proinde deberet. 7. Si jura partium sint obscura, quod iterum procedit in materia beneficii. arg. *L. 1. ff. fam. hercisc.* Ratione sequestrationis beneficii litigiosi vide *Clem. un. h. t.* 8. Si Reus sit communitatis & missio in possessionem locum non habeat propter periculum peccati, scandali, intrusionis &c. 9. Hinc colligitur, sequestrationem in casibus permissis fieri posse circa res omnes, quæ sub custodia custodiam, cadere possunt, adeoque circa res mobiles, immobiles, corporales, incorporales, spirituales, profanas. *c. 15. de jud. c. 2. de off. c. 2. & Clem. unic. h. t. L. 7. §. fin. qui satisf. cog.* etiam persona libera sequestrari potest. *c. 1. de sponsal. &c.*

Q. 4. Qua requirantur, ut sequestratio necessaria licite possit fieri? Resp. I. Ut iudex proprio seu ex officio suo nobili procedat ad sequestrationem, requiritur causa gravis & publica, redundans in bonum commune Reip. v. g.

ut obvietur scandalis, & ne partes deveniant ad arma &c.

Resp. 2. Ut iudex ex officio mercenario seu ad instantiam partis possit procedere ad sequestrationem, requiruntur ferè seqq. 1. Ut iudici summarie constet de jure petentis, adeoque necessaria est cognitio prævia. 2. Ut citetur is, contra quem decernenda sequestratio. *L. 47. ff. de re jud.* nisi sit periculum fugæ vel in mora. 3. Ut sollicitans sequestrum juret de calumnia. 4. Ut ex persona debitoris sit vel appareat aliqua suspicio, v. g. deteriorationis rei, dilapidationis &c.

Q. 5. Quinam sint effectus sequestrationis? Resp.
 1. Sequestratio sive judicialis sive conventionalis fuerit, tum solum transfert in sequestrem possessionem, si lis est de ipsa possessione v. g. utroque contendente se possidere; vel si partes aut iudex specialiter id voluerint; aliàs non. *L. 39. ff. de acq. vel amitt. poss.* Ratio, quia sequestrum est species depositi. Interim tamen sequester Castri, cui jus Patronatûs annexum, sequester Prælaturæ vel dignitatis, quæ jus eligendi vel conferendi beneficium habet, potest præsentare, eligere &c. modò aliunde non sit incapax horum jurium. *Clem. un. h. t.* Ratio, quia ad sequestrum, etiam ad quem non transit possessio, spectat administratio rei sequestratæ:

Resp. 2. Inducit obligationem in *sequestro*, ut is diligenter rem custodiat, adeoque nec dolum committat, nec culpam latam; colligat fructus,

servando servabiles servet, vel si servari non possunt, pretium inde redactum lite finita cum victori restituat. *In Victore* inducit obligationem præstandi indemnem sequestrem, omnia damna & sumptus vel necessario vel utiliter factos compensandi. *c. 2. de dol. & contum. Clem. un. h.* Unde victori ejusque hæredibus competit *actio depositi sequestraria directa. L. 1. §. 24. ff. depos.* Sequestro contra victorem *contraria. L. 5. §. fin. eod.* Salarium tamen *de jure* non competit sequestro.

Q. 6. Qualiter tollatur sequestrum? Resp. Lite finita. 2. Cautione & fidejussione sufficienti, licet sequestrum jam factum sit & lis pendens. *L. 7. §. fin. ff. qui satisd. cog.* 3. Sequestro volente *ex justa causa* deponere officium. 4. Conditione existente, sub qua facta sequestratio. *L. 6. ff. depos.* 5. Morte sequestris. 6. Si decreta sit in contumacem loco missionis in bona sequestratio, isque compareat, de judicio satisficiat, & expensas præstet. *c. 1. h. t.* Agunt *h. t. AA. de Arrestatione*, quæ sequestro affinis est, quæ possunt videri.

TITULUS XVIII.

De Confessis.

Q. 1. Quid sit & quotuplex confessio? Resp. Prout servit ad decisionem causarum est ejus quod ad adversario intenditur, facta asseveratio. *Resp.*